



KENYATAAN MEDIA
ISLAMIC RELIEF MALAYSIA

Islamic Relief Malaysia dan EON Auto Mart Glenmarie Anjur Ziarah Media Sempena Sambutan Bulan Ramadan

BANGI – Islamic Relief Malaysia bersama EON Auto Mart Glenmarie berkolaborasi menjalankan program mySinggah Ramadan bersama media dengan mengedarkan bubur lambuk bersama risalah hebahan projek Rezeki Ramadan yang dijalankan Islamic Relief Malaysia sempena bulan puasa yang akan menjelang tidak lama lagi.

Selain bertujuan untuk menyebarkan info projek Rezeki Ramadan dalam membantu golongan rentan di dalam dan luar negara, program ini turut dilaksanakan untuk menzahirkan penghargaan atas kerjasama dan sokongan pihak media selama ini.

Memandangkan pandemik Covid-19 yang melanda kita lebih dua tahun ini banyak membataskan pergerakan dan aktiviti fizikal secara beramai-ramai, jadi dengan adanya sesi kunjungan ini diharapkan dapat mengeratkan kembali ukhwah dan jaringan kerjasama dengan pihak media.

Antara rakan media yang terlibat dalam sesi kunjungan ini ialah Pertubuhan Berita Nasional Malaysia (BERNAMA), TV AlHijrah, Kumpulan Media Karangraf Sdn Bhd, Institut Kefahaman Islam Malaysia (IKIM), Radio Televisyen Malaysia (RTM) dan Astro Awani.

“Medan yang perlu dibantu sangat banyak. Ianya seperti satu lautan yang luas, sedangkan usaha kita mungkin hanya sekadar segelas air sahaja. Disebabkan itu, gerak kerja bantuan perlu terus diperkukuhkan dengan mengambil semangat ‘fastabiqul khairat’ agar 821 juta orang di seluruh dunia yang sedang tidur dalam kelaparan ketika ini berjaya dibantu,” kata Zairulshahfuddin Zainal Abidin, Ketua Pegawai Eksekutif Islamic Relief Malaysia,

Tambahnya, sokongan pihak media dalam membantu menyampaikan mesej-mesej kemanusiaan sangat besar. Tanpa bantuan daripada rakan media semua, matlamat Islamic Relief untuk mewujudkan dunia prihatin pastinya sukar untuk dilaksanakan sendirian.

“Kami EON Auto Mart Glenmarie anak syarikat DRB-HICOM berbesar hati dapat bekerjasama dengan Islamic Relief Malaysia dalam usaha menjayakan kerja-kerja amal dan kemanusiaan.

“Ini adalah salah satu medium untuk kami menyumbang kembali kepada masyarakat, dan berharap kerjasama ini akan berterusan pada masa akan datang,” kata Satheer Ahmad Kunjoo, Pengurus Jualan EON Auto Mart Glenmarie.

Orang ramai yang ingin menyumbang boleh berbuat demikian di laman sesawang www.islamic-relief.org.my atau hubungi 03-8926 3434 untuk maklumat lanjut.

Pek Makanan Ramadan

Tahun ini, Islamic Relief Malaysia menyasarkan kutipan dana sebanyak RM2,320,000 bagi menyantuni 44,450 penerima manfaat di 32 buah negara termasuk Malaysia menerusi edaran 8,890 pek makanan menerusi projek Rezeki Ramadan dengan tema #gandakanpahala.

Setiap pek makanan Rezeki Ramadan yang diedarkan dilengkapi dengan bekalan makanan asas atau makanan ruji penerima manfaat mengikut negara masing-masing seperti beras, tepung, jagung, pasta, bijirin, kacang, daging dalam tin, minyak masak, gula, uncang teh, kurma dan lain-lain.

Mengenai Islamic Relief

Islamic Relief merupakan sebuah organisasi bantuan dan pembangunan kemanusiaan antarabangsa yang ditubuhkan pada tahun 1984 dan beribu pejabat di Birmingham, United Kingdom. Islamic Relief berkhidmat di lebih 45 buah negara dan telah membantu lebih daripada 120 juta orang sejak beroperasi. Skop bantuan Islamic Relief merangkumi bantuan kecemasan, makanan, kesihatan, pendidikan, pembangunan komuniti serta air, sanitasi dan kebersihan.

Mengenai Islamic Relief Malaysia

YABhg. Tun Dr. Mahathir Mohamad telah merasmikan penubuhan Islamic Relief Malaysia pada tahun 2005, bertujuan untuk meneruskan bantuan kemanusiaan Islamic Relief di rantau Asia-Pasifik. Kini, Islamic Relief Malaysia berperanan sebagai pejabat penjanaan dana dan pelaksana projek tempatan dan antarabangsa.

Untuk mendapatkan maklumat lanjut mengenai program kemanusiaan Islamic Relief Malaysia, sila layari laman web rasmi www.islamic-relief.org.my atau hubungi talian tetap 03-8926 3434.

Sebarang sumbangan boleh disalurkan melalui beberapa kaedah berikut:

1) Melalui akaun Islamic Relief Malaysia

MAYBANK ISLAMIC | 5621 4270 8704

MBSB BANK | 1005 0251 0000 0166

CIMB ISLAMIC | 860 2073818

BANK ISLAM | 12 029 01 006564 3

AFFIN ISLAMIC | 10 671 000278 4

BANK RAKYAT | 11080 10000 35

2) Sumbangan Tunai atau Kad Kredit di Charity Shoppe

3) Platform Atas Talian:

Laman Web Islamic Relief Malaysia | LaunchGood | Give.Asia | Kitafund | Lazada | Shopee | GrabPay | TounchNGo eWallet | SnapNPay

Fikir KEMANUSIAAN, Fikir ISLAMIC RELIEF!

Zairulshahfuddin Zainal Abidin,
Ketua Pegawai Eksekutif Islamic Relief Malaysia

- Tamat-

Dikeluarkan oleh,
Islamic Relief Malaysia-Reg No: 657354-W
A-05-1, Paragon Point, Jalan Medan PB5, Seksyen 9,
Pusat Bandar, 43650 Bandar Baru Bangi, Selangor
Untuk maklumat lanjut, sila hubungi **Jabatan Komunikasi Strategik**
di talian 03-8926 3434, faks 03-8925 3434 atau
emel: Malaysia.Media@islamic-relief.org.my
Aduan atau maklum balas: feedback.irmalaysia@islamic-relief.org.my atau
WhatsApp: [+6019-630 9788](tel:+6019-630 9788)